

常守行菴常清常靜常常快常搬載日常甯耐自是常交泰  
眞樂眞歡應物眞常在眞無壞眞如光彩得做眞良价

詠李公慵軒

物外慵軒閑居放坦無爲作無爲作自然期約心腎相交錯  
二氣成形結就靈丹藥銀霞覆卻展起騰雲腳

巫山一段雲

贈三一居士

斡運清神境修完耀洞天九層臺上聚祥煙端坐碧霞軒開  
闡瓊林雅宴常翫箇中深淺咆哮金虎戲波濤警動永成鼇

又

道藏輯要

漸悟集

望

胃集七

玉女開金殿金公鎖玉關眞清眞淨養胎仙雲透坎離間貪  
看靈光上下忘了之乎也者神珠吐出九般霞跨鶴赴仙家

又

赤子餐青母紅虵啖黑龜祥光瑞氣可成衣尙自更持危調  
引姹嬰嬉戲緊把玉關封閉一輪性月晃青霄雲步訪三茅

又

霞友無塵累雲朋絕事情氣神相結淨中清談笑大丹成好  
把碧桃採摘專獻蓬瀛仙客大家同共慶重陽開宴一齊嘗

又

休要呼師叔相看若弟兄鍊心雲補玉京城何必謁公卿因

撫心琴益壽謂飲刀圭戒酒瑤臺上面放瓊花同去步煙霞  
贈胡了仙兄弟

會握青銅劍能銜白玉杯虛心實腹養瓊瑰平地一聲雷  
誑殺三尸六賊火裏金蓮開圻自然顯現箇靈童雲步太虛中

又

鑪養長生藥園開不謝花充饑旋旋採靈芽消渴飲流霞  
閑看玉蟾光灼忽見金黿踴躍兩般遊戲上青蓮鳳歷怎排年

又

醉卧琉璃帳閑看翡翠簾自然俗慮絕毫纖寶鼎玉花添  
燕起心香性炷引動麟飛鳳舞龍蟠虎遶戲神珠丹結赴仙都

道藏輯要

漸悟集

器

胃集七  
川リ×

又

黃鶴松間睡青鸞澗畔棲白牛困卧紫靈芝丹鳳宿瑤池  
唯  
有靈童放耍來往恣情遊治通天徹地月明中顯現至真功

又

洞裏乾坤異翛然看不窮虎龍鬪入白雲中不見往來蹤  
姮女嬰兒忒睩爭把崑崙頂戴瓊瑤撞透出靈胎跨鶴去蓬萊

又

玉線穿三穴金針透九關自然得見內容顏雲袖凭朱欄  
正  
看瓊花爛熳驀地青衣叫喚紫微詔下赴蓬萊仙藉已安排

又